

# UMP sasar tiga projek utama

LUTUSAN MALAYSIA (DARUL NEGERI) 18/2/2016 m/s 25

**KUANTAN** 17 Feb. - Universiti Malaysia Pahang (UMP) menyasarkan tiga projek utama untuk dilaksanakan bagi menjana kegemilangan dalam usaha menjadikannya sebuah universiti teknologi terunggul menjelang 2020.

Naib Canselornya, Prof. Datuk Dr. Daing Nasir Ibrahim berkata, bagi merealisasikan kegemilangan tersebut, tiga projek terbaik dikemukakan dalam kerangka Pelan Strategik UMP 2016-2020 yang bermula tahun ini.

"Pertama, UMP menyasarkan pendidikan berteraskan teknologi ala Jerman dengan setiap fakulti harus mempunyai sekurang-kurangnya satu program bercorak Jerman, ala Jerman atau bekerjasama dengan institusi di negara tersebut.

"Setakat ini, tiga fakulti dari-

pada lapan kesemuanya sudah menjalankan program sama ada bercorak atau berkolaborasi dengan Jerman meliputi tiga jurusan ijazah sarjana muda dan empat jurusan sarjana. Kita yakin pada 2020 lebih banyak jalinan kerjasama dilakukan," katanya selepas Majlis Amanat Tahunan Naib Canselor 2016 di Dewan Kompleks Sukan UMP di kampus Gambang, di sini hari ini.

Menurut Daing Nasir, kedua ialah fokus kepada projek inovasi sosial dengan gerakan

kerja amal kemasyarakatan dan pemindahan pengetahuan ilmu ke peringkat seterusnya dilakukan.

"Projek utama ketiga pula merupakan pengurusan yang memberi penekanan kepada prestasi meliputi produktiviti, keberkesan dan kecekapan pelan," katanya.



**DAING NASIR IBRAHIM**